

Konkomba - Kaa Dan Aalandak Uwumbor Aagban - Bad Mind Scriptures

Mpiin - Jenesis - 26:35 Baabor nan bii Aisak ni upuu Rebeka aasui pam.

Ikaal 28:65 Le naan kan nsuudoon nibaa chee, ki mu aan li kpa nibaa aatinj.

Uwumbor ga cha nisui bii, le nitaakpab yøl, le naan li kpa nterm nibaa chee.

Ruf 1:18 Naomi aah kan ke Ruf sil ban ke u dii u buen na, le waa ki gar tibaa.

2 Samuel 17:8 Aa nyi ke aate David ni waajab ye bijab bi kpa lipobil na la, ki ki nyi ke bi bir ke baah chuu kipeewaniik ki aabo na la. Aate ye uja u nyi butob aabor na la, le waa doo waajab chee kinyeek.

Diyatajak 21:27 Uwumbor nan bibiindam aah toor kitork ki tii u na la. Waah nan ki sakpen na le ye kitork ki bi kpa tilandakwanbir bisui ni ki toor na.

Diyatajak 29:11 Ulatiir joo waanjuul mok binib la, le bilandam ma kpa limor ki chur bibaa.

Esekiel 23:17,22,28 Babilon yaab ngbaan nan dan u chee ki nan doon u chee.

Bi nan ja u baah gee pu na, ki bii u sakpen le ulaasaab ti nyan bi ni. 22 "To, Oholiba, min Aadindaan Uwumbor aah kpa pu m tuk si na so. Aa bak aabotiiib ngbaan ni a, le m ga cha baanjuul fii aa pu, ki cha bi dan ki nan gob si. 28 Aadindaan Uwumbor aah len pu na so: "M ga nyan si tii binib bi aa nan bi, aan aaponn ni sukr bi pu na.

Esekiel 36:5 "Min Dindaan Uwumbor le len tibobir njitimbol ni mann goln Israel na pu, ni Edom aatimbol momok pu. Maanjuul ponn ni le m len kina; ba pu? bi nan di mpopiin ni lik-seen gaa maatinj Israel ni kaamoqmpaan.

Esekiel 38:10 Tidindaan Uwumbor aah tuk ubor Gog pu na so: "N-yoonn ngbaan yaa nan fuu ni kan, aa ga piin ki bi dakl nlandak mu kaa jan na.

Daniel 5:20 To, waah nan di kigaak, ni inimpool, ni mbiin di ja waawangol na, Uwumbor nan nyan u waanaan, ni kipak ni.

Luk 12:29 Ni taa cha ninimbil li man tijikaar ni tiwanyukaan pu, ki taa cha ilandak li muk nimi.

Lituln 12:20 Herod nan gee lijuul ki ja Taya aatinj aanib, ni Saidonn aatinj aanib pu. Le bi momok kuun ki buen u chee. Bi nan puen buen uja ubaa chee la. Bi yin u ke Blastus, u ye Herod aanaagbiib aaninkpel la. Le Taya aanib ni Saidonn aanib buen u chee bi ti jonn u kijotiik, le ki nin buen Ubør Herod chee, ki ti mee u ke u taa cha bi li kpa kijaak. Bi gaal baajikaar Ubør Herod aatinj ni la. Nima pu na, baa ban ke bi li kpa kijaak.

Lituln 14:2 Le Juu yaab bibaa yii Uwumbor aaliin, ki bii Yesu aanib, ki cha binib bi kaa ye Juu yaab na bibaa gee lijuul bi pu.

Rom Yaab 1:28 Baah kaa gee ke bi li nyi Uwumbor na, le u siir cha bi. Le bi dak ilandak i ye fam na, ki tun lituln li kaa jan na,

Rom Yaab 8:6,7 Binib bi aatafal bi mbimbikpok aabor ni na ga kpo la. Binib bi aatafal bi Uwumbor Aafuur Nyaan aabor ni na ga kan limofal, ni nsuudoon. 7 Binib bi aatafal bi mbimbikpok aabor ni na, bi ye Uwumbor aadim la; ba pu? baa dii waakaal, ki mu aa jmaa dii mu.

Rom Yaab 11:20 Ni ye mbamōn, Juu yaab aah kaa gaa Yesu Kristo ki kii na, nima le cha Uwumbor di bi lii. Ni gaa u ki kii la. Nima le ni leŋ baalelen. Ni taa li kpa kalmbaani. Ni li san Uwumbor.

2 Korint Yaab 10:5 ki nyaŋ binib bi kpa kalmbaani ki dak ke bi kpa nlan ki jer Uwumbor na. Ti cha ilandak mɔmɔk kii Kristo aamɔb.

2 Korint Yaab 11:3 M san ijawaan ke binib ga ŋmann nimi, ni taa ki dii Kristo mbamōm, ke kinimbɔŋ aah nan ŋmann Adam aapuu lif pu na.

Efesus Yaab 2:3 Ti mɔmɔk mu nan bi bi ponni, ki mu dii taah ban tiwan ni kaa ḥjan na pu na, ki ḥjani tisui ni tiwon aah gee pu na. Taah nan bi pu na le nan cha Uwumbor gee liŋuul ti pu, ke waah gee liŋuul titunwanbirdam biken pu, pu na.

Efesus Yaab 4:17 Ni taa li dii ke binib bi kaa nyi Uwumbor na aah dii pu na. Tidindaan aayimbil pu, le m len tibor timina. Baalandak mɔmɔk ye ilandak yɔli la.

Kolose Yaab 1:21 N-yoonn mbaa ni nan ye biwɔwɔm le Uwumbor chee. Ni nan dak ilandak i kaa ḥjan na, ki tun lituln li kaa ḥjan na, nima le ni nan ye Uwumbor aadim,

Kolose Yaab 2:18 Binib bibaa bi ki sunni bibaa taab, ki pak Uwumbor aatuuntiib, ki bui ke bi danj ki kan lijinjiir aawan, ki kpa kalmbaani, ki dak dulnyaa aalandak i ye fam na. Ni taa cha binib ngbaan bii nimi.

1 Tesalonika Yaab 5:14 Tinaabitib, ti gaŋ nimi, ke ni sur binib bi kaa ban bi tun lituln na, ki li pɔɔni binib bi aataakpab yɔl na aataakpab, ki ter binib bi kaa pɔɔ na, ki li kpa limɔr binib mɔmɔk pu.

2 Tesalonika Yaab 2:2 Bi yaa len ke Tidindaan aawiindaal fuu ni kan, ti gaŋ nimi ke ni taa cha nipobil yuk, ki taa cha ni li muk nimi. Nibaakan, bi ga bui ke Uwumbor Aafuur Nyaan mɔk bi kina la, nibaakan, bi ga bui ke ti ŋmee kigban ki len kina la.

1 Timoti 6:5 Le binib bi dak ilandakbir na kpak tɔb kinikpakpak. Baa ki nyi mbamōn. Bi dak ke Uwumbor aasan ye liwankpal aasan la. ((Nya binib ngbaan chee.))

2 Timoti 3:8 Janes ni Jamberes aah nan kpak Moses kinikpakpak na, bijab ngbaan mu kpak Uwumbor aabor kina la. Bi dak ilandak i kaa ḥjan na, kaa tii Yesu naadii.

Taitus 1:15 Tiwan mɔmɔk bi chain binib bi bi chain na chee la. Binib bi kaa bi chain, kaa gaa Yesu ki kii na, tiwan nibaa aa bi chain ki tii bi. Baalandak mu aa ḥjan. Baa ki nyi lituln li ḥjan na, ni li kaa ḥjan na.

Hiibru Yaab 12:3 Titunwanbirdam nan nan u, ki yii u. Le u nan kpa limɔr. Ni teer kina man, aan ki taa cha nitaakpab yɔl aan ni di waasan di lii.

Jems 1:8 Ulandak aa si tiwanbaan pu, u saa labr, ki nya do, ki ti saa do la.